

ARLEF: DAL SUDAMERICHE PAR CJATÂ LA MARILENGHE*Dodis zovins, nevôts di emigrants furlans, in visite ae Agenzie*

A son rivâts in visite ae **ARLeF**, Agenzie regionâl pe lenghe furlane, plens di entusiasim i **12 zovins sudamericans** (11 argjentinis e une brasiliane) che di cualchi **setemane a partecipin al cors: “Valôrs identitaris e imprenditorialitât”, organizât de Universitât dal Friûl in colaborazion cun Ente Friuli nel Mondo**. No fevelin furlan, ma in famee, soredu de bande dai nonos, a respirin la musicalitât e il savôr antîc de Marilenghe e a àn vîf il desideri di cognossile miôr. Par chest motîf, tal incuintri cul president de ARLeF, Lorenzo Fabbro, a àn volût jessi informâts, in maniere aprofondide, sul lavôr fat de Agenzie e su la produzion di materiâi, cartacis e in line, bogns par imparâ la lenghe dai lôr progenitôrs partîts dal Friûl decenis indaûr.

I zovins, students e lavoradôrs, rivâts in regjon in graciis des relazions cui Fogolârs Furlans dai lôr Paîs, cu la frecuentazion universitarie in aule e fûr, a àn podût cognossi miôr il teritori, lis carateristichis storichis, culturâls, linguistichis e il so tiessût economic, in gracie ancje ai tirocinis aziendai tant preseâts.

Udin, ai 15 di Lui dal 2016

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<